



**Comunu de Quartu Sant'Aleni**  
**Tzitadi Metropolitana de Casteddu**

**DELIBERATZIONI DE SU CONSILLU COMUNALI**

**Nùmeru 04 de su 13/02/2024**

**Ogetu: Dèpidus a foras de su bilàntziu – ex art. 194, c. 1, lit. A) D.Lgs. 267/2000 po mori de Sentèntzia de sa Corti de Giustìtzia Tributària de primu gradu n.487/2023 – RGA 310/2023 - OMISSIS c/ Comunu de Quartu Sant'Aleni - Arreconnoscimentu.**

S'annu 2024, su 13 de su mesi de Friaxu, a ora de is 12.07 in Quartu Sant'Aleni, in sa sala de su Consillu, cunvoca cunforma a sa lei, s' est atobiau su Consillu Comunali. Funt presentis is sennoris:

MURGIONI Rita	Eja	PANI Antonio	Eja
AMORE Francesco	Eja	PAU Massimo	Eja
ANGIUS Romina	Eja	PERRA Laura Savina	Eja
BUSONERA Stefano	Eja	PILUDU Francesco	Eja
CADONI Barbara	Eja	PIRAS Valeria	
CAREDDA Francesco	Eja		
CARRERAS Mauro	Eja	PISANO Michele	Eja
DEL ZOMPO Marina	Eja	SARRITZU Martino	No
DELIGIOS Luisella	Eja	STEVELLI Christian	Eja
DELOGU Maria Paola	Eja	TOCCO Franco	Eja
DEMURTAS Anna Maria	Eja		
DEMURTAS Maria Antonietta	Eja	TOLU Ignazio	Eja
DESSI' Alfredo	Eja	TORRU Lucio	Eja
GIUA Maria Assunta Caterina	Eja	USALLA Elisa	Eja
LIGAS Mauro	Eja		
MILIA Graziano Ernesto	Eja		
NAITANA Vincenzo	Eja		

Presentis: 28 Ausentis: 1

Pigat parti a sa setziada su Segretàriu Generali Maggio Paolo. Ndi liat sa presidèntzia Murgioni Rita.

**SA PRESIDENTI DE SU CONSILLU COMUNALI**  
**RITA MURGIONI**

Sighendi sa setziada presentat sa chistioni posta in s'Agenda de is traballus po sa dii cun ogetu:  
"Dèpidus a foras de su bilàntziu – ex art. 194, c. 1, lit. A) D.Lgs. 267/2000 po mori de Sentèntzia de sa Corti de Giustìtzia Tributària de primu gradu n.487/2023 – RGA 310/2023 - OMISSIS c/ Comune de Quartu Sant'Aleni - Arreconnoscimentu.";

De chi s'est votau:

Presentis: n. 28;

Ausentis: n. 1 (Martino Sarritzu);

Votantis: 19;

Votus a favori:19;

Si ndi funt aostaus: 9 (Romina Angius, Barbara Cadoni, Francesco Caredda, Antonio Pani, Laura Savina Perra, Francesco Piludu, Michele Pisano, Christian Stevelli, Lucio Torru);

Su Presidenti proclamat sa votatzioni e decrarat chi sa proposta de deliberatzioni est aprovada:  
"Dèpidus a foras de su bilàntziu – ex art. 194, c. 1, lit. A) D.Lgs. 267/2000 po mori de Sentèntzia de sa Corti de Giustìtzia Tributària de primu gradu n.487/2023 – RGA 310/2023 - OMISSIS c/ Comune de Quartu Sant'Aleni - Arreconnoscimentu.";

De chi s'est votada s'esecutividadì:

Presentis: n. 28;

Ausentis: n. 1 (Martino Sarritzu);

Votantis: 19;

Votus a favori:19;

Si ndi funt aostaus: 9 (Romina Angius, Barbara Cadoni, Francesco Caredda, Antonio Pani, Laura Savina Perra, Francesco Piludu, Michele Pisano, Christian Stevelli, Lucio Torru);

Su Presidenti decrarat s'esecutividadì a manera imediata de custa delibera etotu.

**SU CONSILLU COMUNALI**

**Liada a cunsideru** sa proposta de deliberatzioni n. 03/2024 firmada de su Dirigenti de su Setori 5 – AFÀRIUS GENERALIS - ÒRGANUS ISTITUTZIONALIS - SERVÌTZIUS DEMOGRÀFICUS - URP, incarrigau cun Decretu Sindacali n. 28 de su 27/12/2023:

**"POSTU CHI** s'art. 194, c. 1, litera A) de su T.U. in contu de ordinamentu de is entis localis, aprovau cun D.Lgs. 267/2000, narat chi, cun deliberatzioni de su consillu, cun is tempus e is scadèntzias stabilius de su regulamentu de contabilidadi e assumancu una borta a s'annu, su Consillu Comunali arreconnoscit sa legitimidadì de is dèpidus a foras de su bilàntziu ocasionaus de sentèntzias esecutivas;

**Cunsideraus** is "finalidadis e is printzìpius contàbilis de is Entis Localis" in su testu aprovau su 12 de

su mesi de martzu 2008 de s'Osservatòriu po sa finàntzia e sa contabilidadi de is Entis Localis de su Ministeru de s'Internu chi in su printzìpiu contàbili n.2 "Gestioni in su sistema de su Bilàntziu" cun riferimentu a is dèpidus foras de su bilàntziu, e pruschetotu a is chi ndi benint de sentèntzia, narat:

- Printzìpiu 101 – In s'in casu de dèpidus ocasionaus de sentèntzia esecutiva su sinnificau de su provedimentu de su Consillu no est cuddu de arreconnosci una legitimidadi de su dèpidu chi giai s'agatat, ma de torrai a su sistema de bilàntziu unu fenòmenu de rilevàntzia finantziària chi est crèsciu foras de custu”;

**Pigau atu** de sa sentèntzia de sa Corti de Giustìtzia Tributària de I gradu de Casteddu n. 487/2023 Sez: 4 depositada su 26/09/2023, cun su DISPOSITIVU afatanti "...omissis... cundennat s'Enti impositori a is gastus de € 600,00...omissis..." pronunziata cun arrecursu RGR 310/2023, de parti de [...] c/ Comunu - AVISU DE INTIMA N. 20606 Imposta: IMU Annu: 2020 bogau de COMUNU DE QUARTU SANT'ALENI;

**Bidas:**

- sa rechesta de pagamentu, trasmitia a su setori 10 de custu Enti, cun PEC 77969 de su 02.10.2023, de parti de su defensori S'Ab. Gianfranco Oppes, de is sumas stabilidas cun sa sentèntzia arremonada;

- sa PEC n. 98478 de su 06.12.2023 imbiada a su setori 5 de custu Enti, trasmitia de S'Ab. Gianfranco Oppes;

**Donau atu** chi ponendi in aplicu sa sentèntzia, sa suma totali chi bolit arreconnota che a dèpidu a foras de su bilàntziu a favori de [...], est de € 600,00 (sescentus/00);

**Ca** est una cundizioni previdia de s'art. 194, c.1, lìtera A) de su D.Lgs. n.267/2000;

**Postu chi** sa giurisprudèntzia de sa Corti de is contus nd'at fattu bessiri a pillu sa diversidadi chi ddoi at intra de su dèpidu chi ndi benit de sentèntzias esecutivas e is àteras previdias de s'art. 194 Testu Ùnicu Entis Localis (d. lgs. 267/2000), cunsiderendi chi po is sentèntzias esecutivas de cundenna su Consillu comunali no tenit discretzionalidadi po apretziai su dèpidu, ca s'entidadi de su pagamentu est stabilida in sa misura indicada de su provedimentu de s'autoridadi giuditziària, in is àteras situatzionis acraradas de s'art. 194 TUEL s'òrganu consiliari tenit prus discretzionalidadi.

**Cunsiderau** chi su Consillu Comunali cun Deliberatzioni n. 116 de su 19.12.2023 at aprovau su Bilàntziu de Previsioni Finantziàriu 2024/2026 e sa nota integrativa, innui nc'ant postu, che a tìtulu de dèpidu a foras de su bilàntziu ex art. 194, c.1, lit. A) de su D.Lgs. n. 267/2000 is resursas finantziàrias chi serbint”;

**Ca** tocat a arreconnosci su dèpidu a foras de su bilàntziu po su pagamentu a favori de [...], de sa suma totali de € 600,00 (sescentus/00);

**Postu chi** “su dèpidu a foras de su bilàntziu est costituui de obligatzionis in dinai”;

**Ca** s'art. 23 c.5 de sa Lei n.289/2002 narat: “Is provedimentus de arreconnoscimentu de dèpidu fatus de is aministratzionis pùblicas cunforma a s'articulu 1, c.2, de su decretu legislativu 30 de martzu 2001, n. 165, funt trasmìtius a is òrganus de averiguamentu e a sa procura de sa Corti de is contus”;

**Arriciu**, cunforma a is artìculus 49 e 147bis de su D.Lgs. n. 267/2000, parri a favori in contu de regularidadi tècnica de parti de su Dirigenti de su Setori 5 - AFÀRIUS GENERALIS – ÒRGANUS ISTITUTZIONALIS - SERVÌTZIUS DEMOGRÀFICUS - URP, aici puru cunforma a s'art.49, c.1, de su D.Lgs 267/2000, su parri a favori de regularidadi contàbili espressau de su Dirigenti de su Setori 2 – Programatzioni Econòmicu Finantziària – Controllu de Gestioni – Controllu Partetzipadas;

**Arriciu** parri a favori de su Segretàriu Generali cunforma a s'art. 97 c. 2 de su D.Lgs n. 267/00, de su T.U.E.L. 267/2000 e a s'art. 4, c.4, de su Regulamentu Comunali asuba de is Controllus Internus;

**Bius:**

- su Decretu Legislativu 18 de austu 2000 n.267 cun su T.U. de is leis in contu de s'Ordinamentu de is Entis Localis;
- su D.Lgs. n. 118/2011;
- su Statutu comunali;
- su Regulamentu de su Consillu Comunali;
- su Regulamentu in contu de s'Ordinamentu de is Ufitzius e de is Servìtzius.

**Bius:**

- su PIAO annus 2024/2026;
- su DPR n. 62/2013 – Còdixi de cumportamentu de is dependentis pùblicos;

## DELÌBERAT

**De arreconosci** che a dèpidu a foras de su bilàntziu, a favori de [...], cunforma a s'art. 194, c. 1, lit. A) de su D.Lgs. n. 267/2000, sa suma de € 600,00 (sescentus/00), po esecutai sa sentèntzia de sa Corti de Giustìtzia Tributària de I gradu de Casteddu 487/2023 pronuntziada apitzus de s'arrecursu RGR 310/2023, a segus de sa proposta de [...] c/ Comunu de Quartu Sant'Aleni, contras a s'AVISU DE INTIMA N. 20606 Imposta: IMU Annu 2020 emìtiu de su COMUNU DE QUARTU SANT'ALENI, cun sa cali sa Cumissioni at cundennau s'Enti a pagai is gastus, de € 600,00 (sescentus/00) a favori de chini nc'at presentau arrecursu;

**De impinnai** sa suma de € 600,00 (sescentus/00), a favori de [...], che a beneficiàriu de sa sentèntzia arremonada, assentendi-dda in su capìtulu 12030: "*Dèpidus a Foras de su Bilàntziu lit. A)*" de su bilàntziu 2024, n. 16.30.00006, finantziau cun intradas currentis;

**De trasmiti** còpia de custa deliberatzioni:

- a su Collègiu de is Revisoris de is Contus;
- a su Responsàbili de su Setori cumpetenti po s'adotzioni de is provedimentus chi ddi spetant;

**De donai atu** chi s'Ufitziu Segreteria at a trasmiti una còpia de custa deliberatzioni a sa Procura de sa Corti de is Contus - Setzioni giurisditzionali po sa Sardìnnia, cunforma a s'art. 23, c. 5, de sa lei n° 289/2002;

**De decrarai** chi custa deliberatzioni est esecutiva luegus etotu, cunforma a s'art. 134, c. 4, de su d.lgs.vu 18 de austu 2000, n. 267.